

DE

JODII ET KALII JODATI  
EFFECTUUM DIVERSITATE.



DISSERTATIO INAUGURALIS

QUAM

CONSENSU ET AUCTORITATE  
GRATIOSI MEDICORUM ORDINIS

IN

UNIVERSITATE LITERARUM CÆSAREA DORPATENSI

AD GRADUM

DOCTORIS MEDICINÆ

RITE ADIPISCENDUM

LOCO CONSUETO PUBLICE DEFENSURUS

CONSCRIPSIT

*Georg Arroneet.*

---

DORPATI LIVONORUM.

TYPIS VIDUÆ J. C. SCHÜNMANNI ET C. MATTIESENI.

MDCCLII.

**I m p r i m a t u r**

haec dissertatio ea conditione, ut, simulac typis fuerit excusa,  
quinque ejus exempla tradantur collegio ad libros explorandos  
constituto.

Dorpati Livon. die 26. mens. Novembris anni 1852.

*Dr. Rethert,*  
ord. med. h. t. Decanus.



D12806.

**P R O C E M I U M.**

---

Quamquam medicamina perpaucā e toto materiae medicae thesauro certa explicacione effectuum gaudent, qua illi argumentis ad artis leges ita comprobati sint, ut aeque immutabiles ac ceterae corporum virtutes constanter cognosci et cum multis variisque observationibus experientiae practicae in concordiam redigi possint, rationes tamen, quae Jodio ejusque praeparatis cum organismo humano intercedunt, duplēcēm præbent intelligendi difficultatem. Non solum modus, quo vim suam exhibeant, quamvis magno conjecturarum numero prolato, nos adhuc omnino fugit, sed etiam ratio adhibendi empirica tam varios contrariosque eventus nos docuit, qui omnino post usum Jodii observati dicuntur, ut, adhibito remedio, et omnia speranda et omnia timenda videantur. — Quum procul adhuc absit, ut altera via, qua sufficiente periculorum che-

micorum et physiologicorum numero efficaciam medicamenti demonstremus, finem propositum adsequamur, primum nostrum est ea, quae experientia cognovimus, quantum fieri possit, discernere atque ordinare. Hinc et pro investigatione rationali et pro usu medicaminum in praxi, qua rata habenda sint, multa indicia certiora sequentur. Tum collatio inordinata et instituta non sine opinionibus praejudicatis effectum remediorum, quos medici experientia edocti afferunt, tum illa sententia, qua multi omnes effectus a remediis adjudicant, si luculentissime experimentis argumentari nequeunt, nos in periculum adducunt, ne omnino certum, quo pro duce utamur, perdamus, et vix fieri possit, ut hic viam medium teneamus. Immo optandum est, diligenter ratione omnium momentorum habita, contentione et comparatione casuum, in quibus efficacia medicaminum optime est probata et confirmata, utrumque rem adjuvari. Summa enim talis perscrutandi rationis et pharmacologo in experimentis instituendis, et medico, qui in curandis morbis versetur, praeculta suppeditare possit optima.

Pharmacologiae, ad quas virtutes Jodii cognituri summo jure verti possumus, copiosa excellunt dinumeratione effectum variorum, aucto-

rumque, quorum alii alios se observasse confirmant, ita ut saepius tantum auctoribus caute et dubitanter inter se comparatis, conclusio colligenda sit. — Qua in dinumeratione res nobis occurrit peculiaris et digna, quae praecepue commenoretur; effectus enim variorum Jodii preparatorum omnino non rite separantur, sed notatione „effectus Jodii“ promiscue tractari solent. Quaerendum est, num re vera symptomata eadem post usum Kalii jodati observata sint, quae, v. c., Tinctura Jodii adhibita se manifestent, necne? — Itaque, examine ad doctoris gradum impetrandum absoluto, quum mihi potestas facta esset dissertationem inauguralem conscribendi, professoris illust. Dr. Buchheim hortatu thema elegi, quo exploraturus sum, quales diversitates effectum variis Jodii praeparatis priorum secundum observationes in virorum doctorum scriptis in medium prolatas statuendae sint.

Jam ab initio opusculum conscribenti variae mihi se opposuerunt difficultates; nam etsi scripta de Jodio amplissima sunt, et variae et admodum contrariae sententiae prolatae imaginem nobis praebent versicolorem, tamen multa phænomena animadversione digna omni explicatione perspicua carent et quod maxime dolendum et ad propositum meum adsequendum magno im-

pedimento erat, adeo quae praeparata adhibita fuerint, saepe non commemoratur.

Restat, ut Dr. Buchheim professori illustrissimo, praceptor meo veneratissimo, qui consilio et re benevole me adjuverit, sincero animo publice hic quam maximas agam gratias.

## Caput I.

### ***De symptomatis infaustis post usum Tincturae Jodii observatis.***

Jam *Coidet*, Genevensis, a quo, cognitum est, Jodii Tincturam in materiam medicam esse introductam, ad ingrata et injucunda symptomata hujus remedii usum secuta diligentissime animum suum attendere coactus erat. Nam, quum Jodio exhibito Strumā celeriter evanesceret, qua de causa medicamen paulo post per totam Helvetiam divulgatum fuit, graviter accusatus est a multis, Tincturam in plurimis affectiones provocasse injucundissimas. Quamquam *Coidet* faustis tantum eventibus experientiae suae nitebatur, postea tamen facere non potuit, quin persuasum sibi haberet, nonnullos aegrotos Struma laborantes affectos esse periculose. Quos affectus dosibus permagnis vel usui remedii perlongo et saturationi organismi tali modo ortae adscribendos esse ratus statum hunc morbosum nomine Jodismi vel symptomatum jodicorum significavit. Paulo post nomina cachexiae, erupulae jodicae complexui illi symptomatum data sunt, quae usu Tincturae vel aliorum Jodii praeparatorum procreata putabantur. *Coidet* ipse, quum in nonnullis casibus magnam vim ventriculum irritandi Jodio propriam animadver-

tisset, in usum internum postea solutionem Kalii jodati aquosam addito Jodio puro commendavit; qua de causa posteræ observationes hujus auctoris usui Tincturae nobis non attribuendae sunt. Etsi **Formey**, qui primus in Germania medicamen recens inventum in usum vocare tentavit, tum **De Carro**, **Clarus**, **Baup**, **Schneider**, **Bares**, alii, tantummodo eventus prosperos Tinctura adhibita se observavisse contenderant et sententiam a Coindet positam comprobantes, usui inordinato immodicoque soli efficaciam injucandam attribuerant, affectus tamen a **Perret**, **Manson**, **Goelis**, **Harless**, **Mathey**, **Henning**, **Gairdner**, **Benaben**, **Röchling**, **Bayle**, praesertim ab **Jahn** et **Asmus** observati tam frequentes et graves fuerunt, ut remedium magis magisque in suspicionem vocaretur et medici aut omnino de Jodii usu desisterent aut ad alia praeparata confugerent. **Nordhof** unam, **Zink** duas intoxicationes post incautum Tincturae usum narrarunt. Et experimenta ab **Joerg** in se ipso instituta, parvis dosibus porrectis, vim Tincturae ostenderunt magnam. Idem docuit **Orfila** periculis in animalibus factis. —

**Mathey** primus sententiam vulgatam de saturatione organismi Jodio effecta oppugnavit, omnia symptomata integrata irritatione ventriculi tantum procreari censens. Quamvis **Coindet** ipse, **Perret**, **Gairdner** et plerique alii in nonnullis casibus, duabus vel tribus dosibus porrectis, jam omnia symptomata Jodismi intrare viderant, opinio tamen saturationis usque ad tempus recentissimum perduravit. Quum autem nunc satis constet, Jodium purum in sanguine nisi mutatum permanere non posse et cum Kalio vel Natrio mixtum effectus remotiores exhibere, quumque investigacionibus multis demonstratum sit, Kal. jod. magna cum celeri-

tate secerni atque e corpore evehi, conditionibus solitis saturatio organismi fieri non potest.

Symptomatis, quae post usum Kal. jod. vel Jodii simul cum Kal. jod. animadversa esse dicuntur, diligentissime sequentis, ab auctoribus Tincturae Jodii hi præcipue attribuuntur effectus:

Saepissime observabantur symptomata, quae irritatione tractus intestinalis orta sunt: levis concoctionis ciborum perturbatio, appetitus deficiens, molesti et dolorem moventes sensus in fauibus et circa stomachum, cardialgiam, colica, diarrhoea, alvi evacuationes admodum biliosae fuisse traduntur et Orfila se hepatidem ipsam vidisse refert. In multis casibus, praesertim ab initio curae, appetitus auctus apparuit. Tinctura per longius temporis spatium adhibita, aegroti de gustu ingrato salsoque, de siti nimis aucta querebantur; gingiva erubuisse, salivatio, tumescientia faciei, ulcera cavi oris et faucium orta esse dicuntur. Macies magna, eaque in nonnullis casibus celeriter oriębatur. **Jahn** secretionem salivæ et muci diminuta, ceteras secretiones augescere refert. — In respirandi organis rauitas vocis, ardoris sensus, dolor, tussis vehemens, angor pectoris, respiratio accelerata et anxie, coryza et pituitae uberior secretio nascentur, ex oculis largior lacrimarum copia secernitur, Conjunctivitis et Blepharitis oriri possunt. — Organa uropoetica irritantur, secretio urinae nonnumquam aucta, nonnumquam minuta appareat, interdum omnino suppressa; gravis cum erectionibus ac pollutionibus somnus, haemorrhagia ex utero, interdum ex vasis haemorrhoidalibus observata sunt. — Cuti interdum colorem flavum medicamen induisse, capilli fusi facti esse dicuntur. **Jahn** nonnulla

symptomata gravia abusu Tincturae Jodii orta esse enarrat, colorem cutis cachecticum, turgescentiam venarum superficialium, sudores crebro alternantes cum ardore cutis urente, denique intumescentiam oedematosam totius corporis. In perpaucis casibus eruptionem Millariae usui interno Tincturae attribuendam fuisse pataverunt. Ad omnes effectus malos symptomata febris universalis accedere et rarissime tantum deesse solebant.

Series alia effectuum, qui praecipue symptomata Jodismi erant, et magis, ne invaderent, timendi fuerunt, perturbatae functiones systematis nervorum sunt: obtusio et demissio animi, languor virium, magna irritabilitas, anxietas, Melancholia ipsa, cephalaea, palpitatio cordis, pulsus tremens, parvus et celerrimus, tremor extremitatum, agrypnia, syncope, stupor, auditus visusque hebetati, convulsiones. Atrophiam denique mammarum et testium post Jodii usum observatam esse, pharmacologiae docent.

Etiamsi Tincturam Jodii virtutibus chemicis fortibus praeditam in materie organismi humani vim magnam exhibere concedamus necesse est, in primis si ad eam praeparandam spiritu vini rectificatissimo usi sumus, tamen varios supra commemoratos effectus spectantibus nobis optimo jure quaerere licet, qui a medicamine adhibito, qui a statu morboso peculiari corporis, qui ab aliis rebus noxiis accendentibus, qui denique a locali, qui a remotoire actione Tincturae proficiisci potuerint? — Speravi ad questiones has solvendas aliquid me prolatarum esse, si omnes casus de varia ratione agendi Jodii praeparatorum adhuc promulgatos, quantum fieri potuerit, collegissem. Quum enim hi casus ut exempla evidentia efficaciae Jodii enarrati

essent, optandum mihi erat, ut res accedentes, nocentes vel adjuvantes, quae adfuisserent, proprius inspicere liceret.

Numerus casuum singillatim enarratorum omnino non est magnus et 66 tantum historias morborum, quae accuratius descriptae sunt, diligentius perscrutari potui, e quibus 20 ad usum Tincturae pertinent<sup>1)</sup>. Nonnulli casus si fortasse alicubi inveniantur, quos in libris mihi promptis citatos non reperi, attamen sunt perpauci et effectuum mentionem faciunt, quorum natura ex aliis morborum historiis elucet. Numerus observationum hoc modo collectarum, si quidem parvus est, potestatem nobis dat, conjecturas plurimas componendi.

Imprimis appareat, effectus malos post usum Tincturae Jodii non modo non constanter et semper, sed etiam medicamine providenter adhibito tantum rarissime observatos esse; contra enim eos 20 casus, in quibus incommoda varia sanitatis enarrata sunt, 516 casus, ex parte ab iisdem auctoribus, relatos inveni, in quibus nulla symptomata noxia animadversa sint; in 303 inter illos 516 casus disertis verbis dictum est, ea non existisse, in ceteris 213 eorum tantum mentio facta non est. Etsi concedimus, inter illos 213 casus in plurimis sequelas ingratas silentio praetermissas esse, ratio tamen est fausta; quum praesertim observationes secundo tantum cum successu institutae non

---

1) *Hufeland's Journal* 54 Band IV. p. 64; VI. p. 96; 55. Band I. p. 69; 57. Band VI. p. 87; 58. Band II. p. 124; VI. p. 113. — *Graefe und Walther's Journal* 29. Band p. 369. — *Rust's Magazin* Band 13 et 14. — *Revue medicale* 1824 I. p. 493; p. 512. — *Medicinische Annalen* 1821 Sept. — *Rheinische Jahrbücher* 5. Band I. Stück; II. Stück p. 38. *Schmidt's Jahrb.* 30. Band p. 357; 42. Band p. 167.

omnes numero certo colligi possint, v. c. si *De Carro*<sup>2)</sup> contendit, in praxi sua numquam affectus malos se obser-  
vasse, si *Ulrich*<sup>3)</sup> e magno similiū observationum numero  
unam tantum affert, etc.

E casibus, in quibus effectus Tincturac incommodi fuerint, rationem deducere possumus secundam. Nam ventrīculum et intestina irritandi vi excepta, saepissime symptomata nervosa Tinctura Jodii provocata esse traduntur, et quamquam irritatio tractus intestinalis vel organorum respirandi aderat, observatores varii tamen peculiari affectioni systematis nervorum haec phaenomena adscribant. Ex illis 20 casibus 10 symptomatis nervosis excellunt, quae exceptis duobus, omnes in aegrotis strumosis animadversa sunt. — Affectio hacc systematis nervorum in aegrotis Struma laborantibus in omnibus casibus aequo modo et iisdem fere verbis describitur, symptomata allata semper eundem statum morbosum constituunt, ab aliis etiam Jodii usui assignatis ita discrepant, ut maxima cum verisimilitudine conclusionem efficere possimus, ea non Tincturae sed peculiari aegrotorum vel Strumae constitutioni attribuenda esse. Quam sententiam eo confirmatam putare debemus, quod in fere omnibus casibus, in quibus symptomata nervosa apparuerunt, Strumam subito evanuisse vel multo imminutam esse, medici referunt. In tribus casibus tantam mentionem, Strumam evanuisse, non invenimus, sed e ceteris momentis narrationum concludere licet, Strumam re-

vera subito imminutam esse. Itaque haec symptomata nervosa omnino ab effectibus Jodii praeparatorum separanda esse et Struma quounque modo subito evanescente, oriri posse, tempore recentiore ante alias *Roeser*<sup>4)</sup> docuit, qui Kal. jod. in usum vocato eadem animadvertisit, quod medicamen symptomata illa minime procreare potest. Reliqui duo easus effectuum nervosorum de feminis duabus sunt, quarum altera Scirrho uteri, Fluore albo, Dysmenorrhœa laborans 8 gtt. pro dosi ter die sumsit, simul portioni vaginali invicem Ung. Digit., ciner., Extr. Belladon. applicatis. Fluor albū cessit, induratio portionis vaginalis evanuit, menstruatio parca quidem, sed regularis facta est. Quum autem dosis Tincturæ usque ad 28 gtt. p. d. aucta esset, *Klaproth*<sup>5)</sup> dicit, aegrotam de ardore, aestu, vertigine, deliquio animi, agrypnia, magna systematis nervorum commotione queri incepisse, mestruationem copiosam evasisse et remedio repetito spasmos doloribus ad partum similes in abdomen ortos esse. Altera femina tumore magnitudine ovi gallinacei, qui cum ultimo colli vertebra conjunctus visus est, laboravit. Cutis erosione ope lap. inf. supra tumorem facta, quum Tinct. Jodii cum quarta parte spiritus vini mixta applicata esset, subito auctor refert, dolorem permagnum in regione epigastrica, vomitum, spasmus, pulsum parvum, debilem et tardum, sudores frigidos et profusos, collapsum faciei, languorem virium, stridorem dentium, tremorem universalem, versionem brachiorum non voluntariam exti-

2) Medicinische Annalen des 19. Jahrhunderts, auf das Jahr 1821. Heraus-  
gegeben von Pierer und Choulat. Pag. 1591.

3) *Rust's Magazin*, 19. Band.

4) Archiv für physiologische Heilkunde, herausgegeben von Griesinger.  
7. Jahrgang, 1848.

5) *Hufeland's Journal* Band 57, VI. 87.

tisse, quo die in sequenti incontinentiam urinae accessisse. **Buckel**<sup>6)</sup> intoxicationem jodicam symptomata allata nuncupat, quae 7 diebus transactis evanuisse tradit; utrum tumor etiam evanuerit, necne, mentio non facta. Num graves hi affectus dolore vehementissimo, an mutatione aliqua tumoris, an alio statu morboso simul praesente provocati sint, certius intelligere non possumus, attamen nomen intoxicationis jodicae mihi videntur minime mereri.

**Buissonius**<sup>7)</sup> solus commemoravit, exanthemata post Jodii usum erupisse et exemplum attulit infantis, cuius in femoribus ac genibus per 8 dies Tinctura adhibita, Milliarium extitisse. **Uldall** etiam contendit, semel in abdomen et femoribus infantis Milliarium et bis erysipelas ortum se vidisse, sed ne praeparati quidem Jodii in his casibus adhibiti mentionem fecit. — Majoris momenti est casus, peculiarem Jodii vim ad cutem enarrans, quem in omnibus pharmacologiis allatum invenimus. **Vogel**<sup>8)</sup>, **Lignicui**, feminam quandam memorat, corpore gracili, constitutione irritabili, quae contra Strumam per 16 dies Tinctura usa, tum doloribus colli, ventriculi, tussi ortis remedium omittere coacta sit, quo facto remedia roburantia et sedativa in usum vocata. Nonnullis hebdomadibus elapsis, quum aegrota usum Tincturae recepisset, cutem jam antea colorem flavum praebentem subito fuscum factam esse **Vogel** narrat, quam mutationem eo provocatam esse affirmat, quod secretio cutis vicaria pro secretione hepatis fuerit. Icterum autem

admodum variis causis, et gravi destructione hepatis, qua secretio bilis omnino tollatur, et levi affectione catarrhalis ductus choledochi, et secrezione bilis nimis aucta oriri posse, experientia edocti satis scimus. — Quae causae num adfuissent, necne, **Vogel** omnino non commemoravit. Neque a vero abhorret, si contendimus, morbum hepatis chronicum in hoc casu causam Icteri praebuisse, qui methodo antecedente roborante ingravescens etiam symptomate Icteri se manifestaverit. Quocum consentit, quod et post 6 menses color ille fuscus immutatus apparuit. Quales affectus si Jodio attribuimus, fines certos statuere non possumus, quibus Jodii effectus a ceteris separantur. Omnia symptomata, dum Jodio utitur aegrotus, invadentia, eodem jure Jodio provocata esse putare possumus, et re vera **Roebling**<sup>9)</sup> suppurationem glandularum, Oedema totius corporis Tincturae efficaciae adscripsit.

Observationes exanthematum, Tincturae usu ortorum, singillatim enarratae non inveniuntur, nec effectus talis Tincturae ullo modo demonstrari potest.

Perscrutatione denique diligentissima dignae sunt commemorationes auctorum nonnullorum, qui Tincturae vim peculiarem ad organa sexualia, praesertim testes ac mammas imminuendi attribuunt. — Si comprobetur effectus ille, remedium, si non omnino e medicaminum thesauro expellendum, in multis casibus vetitum est. Sed Tincturam adhibentes jam in eo acquiescere possumus, quod casus adversi tales perraro observati esse dicuntur.

Si **Coidet** de variis Jodismi symptomatis, ut de palpi-

6) Schmidt's Jahrbücher Band 42, p. 167.

7) **Uldall**, Dissertatio de effectibus Jodii. Hauniae 1833.

8) **Rust's Magazin** Band 14, 1823.

9) **Rust's Magazin** Band 15. pag. 137.

tatione cordis, accelerato pulsu, agrypnia, tussi sieca, languore virium, tremore, etc. locutus etiam maciem brevi invadentem et interdum mammarum volumen deminutum commemoravit, Jodii effectum peculiarem eo non ostendi censemus, quod macie universa orta et mammae adipe abundantes ad minus volumen redactae sint. Quamquam **Coidet**<sup>10)</sup> in nonnullis casibus Tincturam, ait, certam vim ad mammas habere se animadvertisse, et ea de causa se remedium optimo cum successu in intumescentiam illorum organorum adhibuisse, quamquam igitur animum suum Tinctura usus ad mutationes mammarum convertere solebat, et in mannis morbis effectus observandi occasio ei offerebatur saepius, tamen numquam mammarum atrophiam commemoravit. Tres casus ab **Hufeland**<sup>11)</sup> publici juris facti praecipue Tincturam Jodii maxime suspectam reddiderunt. **Hufeland** enim tradit, Tincturae usu per 6 hebdomadum spatium continuato puellae robustae, valetudine optima praeditae mammas simul cum Struma evanuisse, ne vestigio quidem mammarum annis duobus postrelicto. Praeterea se 2 casus simillimos in praxi sua observavisse dicit<sup>12)</sup>. — Casum quartum **Mombert**<sup>13)</sup> narravit, in quo, dum mammae evanescerent, menstruationem simul copiosam factam esse animadvertisit, sed usu infusi Sem. Foenicul. ad normam redigerentur. Casus denique quintus a **Reichenau**<sup>14)</sup> nobis traditus est. Sunt quasi fontes pauci hi casus, qui-

bus nixi neglectis innumerabilibus fere observationibus contrariis Jodio vis specifica ad mammae attribuere solent. — Adde, quod enarratio illorum casuum tam brevis et manca est, ut non modo argumentis omnibus careat, sed etiam ad causas alias quaerendas maxime invitet. — Etsi observationibus illis fidem habeamus, tamen ad intelligendum necessarium mihi videtur rationem commemorari, qua deminutio mammarum ad maciem universi corporis referri potuerit. Quae ratio, quamdiu nobis non tradita est, volumen mammarum deminutum a macie universa sejungere non possumus. Et **Gusmann** se usu Jodii puri et Tincturae maciem universam et mammarum ortam vidisse contendit, sed singillatim nullum casum assert.

Enarratio casum, in quibus Tinctura adhibita atrophia testium animadversa sit, nusquam invenitur. **Roesler**<sup>15)</sup> quidem dicit, aegrotum induratione ventriculi laborantem impotentem factum et atrophiam testium ortam esse, usque medicaminis sublato, symptomata haec evanuisse; sed quum praeparati Jodii in usum vocati mentionem non fecit, e verbo solo „Jodgebrauch“ Jodium purum adhibitum esse minime concludere licet. Itaque haec observatio incertae fidei remanebit. Imprimis tamen quaerendum est, num re vera atrophia testium orta sit. Atrophiae testium diagnosis non tam facilis est, nisi inquisitionibus diligentissime institutis, et **Roesler** phaenomena, quibus certior factus sit, omnino non attulit. Quum igitur res ipsa non omni dubitatione exempta sit, nobis ab efficacie, quam Jodium in illo casu habere potuerit, explicatione maxime abstinentum est.

10) Medicinische Annalen 1821. pag. 1183.

11) **Hufeland's Journal** Band 58. VI. 113.

12) Revue medicale 1824. IV. p. 137.

13) **Hufeland's Journal** Band 77. C. 90.

14) **Rust's Magazin** Band 22. Heft 2. pag. 291.

15) **Schmidt's Jahrbücher** Band 30. p. 140.

## Caput II.

### **Symptomata infausta, Jodio simul cum Kalio jodato adhibito, observata.**

Solutionem Kal. jod. aquosam addito Jodio puro **Coindet** primus ad usum internum commendavit, quum multa symptomata noxia Tinctura provocata spiritui vini adscribenda esse putaret et Jodium aquae fere insolubile invenisset. Quod praeparatum non solum contra Strumam, sed etiam contra Scrophulosin, carcinomata et alios morbos optimo cum successu adhibebat, rarius quam post Tincturam incommoda sanitatis se animadvertisse contendens. **Coindet** adhortante multi medici praeparato eodem vel simili uti incepérunt et ab illo tempore usque ad recentius, praeparatis Jodii multis admodum in usum vocatis, auctores de Jodio tantum loquauntur et compositionum Jodii variarum cum aliis materiis effectus eosdem habent. Postquam **Lugol** experientia magna fretus, vim Jodii cum Kal. jod. ad morbum scrophulosum faustissimam promulgavit, praeparatum hoc usitatissimum factum et Jodii usus in Scrophulosi methodicus exstitit. **Lugol** interne aquam suam mineralem trium concentrationis graduum porrigerre solebat; aegrotus ab initio curae utebatur solutione e gr.  $\frac{3}{4}$  Jodii et gr.  $j\frac{1}{2}$  Kal. jod. in aq. destill.  $\mathfrak{Z}vijj$  parata, tum gr. j Jodii et gr. jj Kal. jod., denique gr.  $j\frac{1}{4}$  Jodii et gr. jj  $\frac{1}{2}$  Kal. jod. in eadem aquae quantitate solvabantur. De his  $\mathfrak{Z}vjjj$  aquae mineralis paulatim concentrae aegrotus ab initio curae  $\frac{2}{3}$ , postea totam dosin quotidie sumere debebat. Experientia **Lugoli** tam secundo gavisa

est successu, ut immitatores plurimos incitaret, qui etsi sationem non tam frequenter animadverterent, tamen quod ad innoxiam vim medicaminis adhuc maxime suspecti attinebat, facere non possent, quin consentirent. **Kurts**, **Bredow** magnum numerum aegrotorum Serophulosis affectorum methodo hac Lugoliana tractaverunt, nullis, quae inde ortas sint, incommodis commemoratis. E contrario **Coindet**, **Asmus**, alii, qui iisdem dosibus et in iisdem morbis quam Tinctura hoc praeparato utebantur, in universum symptomata eadem se observasse contendunt. Quae quum ita sint omnia mala supra commemorata hic rursus afferam necesse videtur.

E 66 historiis morborum a me collectis, tantum 6 inveniuntur<sup>16)</sup>), quae affectus malos Jodii usu cum Kal. jod. provocatos describant. Duo casus ad aegrotos strumosos pertinent et etiam mutationes plus minusve graves systematis nervorum enumerant, dum Struma primis diebus augescere, inflammari, et paulo post minui visa est. Duo casus ad scrophuloses attinent, quorum in altero aegrotus tussi et doloribus in pectore affectus est, in altero autem, quum capillata capitis cutis jam diu squamis et sordibus tecta esset, capillos, qui adhuc siccii et fragiles fuissent, pulchros, molles, splendentes factos esse **Stedmann**<sup>17)</sup> refert. Reliqui duo casus, in quibus ad Syphilidem sanandam solutio Kal. jod. cum Jodio in usum vocata est, ab **Asmus**<sup>18)</sup> narrantur, qui

16) **Hufeland's Journal** 54. Band I. p. 58. — **Rust's Magazin** 37. Band 1832; 53 Band 1839 p. 46. — **Schmidt's Jahrbücher** 8. Band p. 281. — **Gräfe und Walther's Journal** 2. Band p. 635.

17) **Schmidt's Jahrbücher** Band 8. pag. 281.

18) **Rust's Magazin** Band 53, p. 46.

auctor tussim, dyspnoeam, dolorem capitis, languorem virium medicamen effecisse dicit.

Si porro numerum casuum, in quibus nulla integritatis incommoda orta sint, spectamus, eandem fere rationem quam post Tincturae usum invenimus. 245 casus sine ullis affectibus malis traduntur; in 225 diserte dictum est, nullos invasisse, dum in 20 tantum mentio eorum non illata est. Quum praeterea 6 casus symptomatum noxiiorum relati sunt, ratio oritur 6: 245, qua elucet, bis vel ter tantum inter 100 casus affectus injucundos observatos esse. Post Tincturae usum ratio erat 20: 546.

Secundum experientiam *Lugoli* et observatorum, qui ejus methodum et tantum in Scrophulosi curanda sequentur, solutionem aquosam Kal. jod. addito Jodio, optimum esse praeparatum crediderimus, quum numquam, etsi per longius temporis spatium adhibitum sit, ne leves quidem mutationes incommodas in organismi functionibus procreaverit. *Lugol*, qui in cura 109 aegrotorum varia admodum constitutione, aetate et variis Scrophulosis formis laborantium Jodii virtutes expertus est, his ipsis verbis dicit<sup>19</sup>): „A ne reconter, que mes propres observations, je n'ai à faire connaître aucun accident produit par ce remède nouveau“. Quibuscum *Wilhelmi*, *Kurtz*, *Bredow* omnino consentiunt. Apertum est, lenem hanc efficaciam parvis dosibus, quibus praeparatum porrectum sit, quaeque excepto trigoris sensu ventriculo molestiam non attulerint, et ut omnis liquor salus tantum secretionem muci salivaeque et sitim auxerint,

attribuendam esse. Quoniam aegroti majori aquae copia sitim explore coacti sunt, *Lugol* etiam fere semper secretionem urinae auctam vidi.

Memoratu digni et a symptomatis usu interno Jodii observatis discrepantes illi affectus sunt, qui balneis jodiciis nascuntur, quibus quidem e solutione Kal. jod. et Jodii in aqua communi eadem ratione qua aqua minerali Lugoliana paratis, non solum aegroto in balneo lavanti, sed etiam circumstantibus crapula jodica supra dicta provocata esse traditur. Quum vapores Jodii balneis exhalati causa sola crapulæ esse potuerint, qua dolores capitis, somnolentia, stupor, affectiones variae respirandi organorum et oculorum orta sint, argumentum nobis est optimum, quo pateat, symptomata illa, quamquam functiones systematis nervorum mutatas esse ostendant, tamen non effectu proprio Jodii ad cerebrum et remotiore, sed irritatione membranae mucosae narium, viarum respiratoriarum et aliarum partium corporis, quac vaporibus attactae sint, procreari. In sanguinem vapores Jodii non magis quam Jodium solidum transire possunt et affectus remotiores nisi Kalio vel Natrio conjuncti exhibere nequeunt. Quantitas Kalii vel Natrii jodati vaporibus sanguini illata tam exigua habenda est, ut una dosis Kal. jod. porrecta vim jam multo majorem manifestet, necesse sit. Quae quum ita sint, in aliis casibus, in quibus solutionem Jodium redolentem atque exhalantem in usum vocamus, cavendum est, ne sequelas locales et remotiones confundamus. Eodem modo, ut exemplo utar, si nonnullis granis Chin. sulph. adhibitis appetitus auctus apparuerit, nobis non concludere licet, Chininum jam ciborum concoctionem et mutationem materiae totius corporis acceleravisse et mutasse.

19) Revue medicale 1829, III. pag. 169.

Ut jam supra commemoravimus, non omnes Kal. jod. eum Jodio adhibitio successibus tam prosperis gavisi sunt; *Coidet, Asmus* multas integritatis turbationes graves enarrant. *James Eager*<sup>20)</sup> ulcerationes in cavo oris, odorem mercuriale exhalantes se observasse affirmat. Num Hydrargyrum antea adhibitum esset, mentionem non fecit. Hic locus est, quo observationes *Mojssorowici*<sup>21)</sup> referam, qui, perraro Kal. jod. puro usus, in gravioribus casibus Syphilidis atque Serophulosis semper Kal. jod. cum Jodio in aqua solutum adhibebat. Quam medendi rationem etsi optimam laudat et medicamini vim admodum salutarem tribuit, tamen sensum caloris circa stomachum perceptum, tussim, serius aut ocius exanthemata, quae tamen cito evanuerint, in aegrotis habitu phthisico praeditis exscretionem cruentam Jodii usum secuta esse refert. De effectibus ad organa sexualia nominatim ad testes et mammae exhibitis medici, qui hoc praeparato utebantur non modo nullam mentionem faciunt, sed etiam ii qui maxima experientia edocti sunt diserte dicunt, testes mammaeque numquam mutatas esse; inter quos sunt *Lugol*, *Mojssoric*, etiam *Bredow*, qui per decem annos et singulis annis circa 400 Scrophuloses se Jodio tractavisse memorat. Idem docent casus multi Serophulosi laborantium, qui in nosocomio Berolini methodo Lugoliana tractati sunt per 6—8 hebdomades<sup>22)</sup>. Maximam partem aegrotorum aetate puerili, si quis objiciat, et ea de causa mutationes organorum genitalium non tam perspicuas fuisse,

e contrario nobis confirmandum est, remedium si atrophiam vel aliam mutationem obnoxiam efficere posset, effectum illum actate evolutionis eo graviorem animadversuros fuisse.

Incommoda igitur sanitatis, si invaserant, eadem fuerunt quae Tinctura provocata jam supra enumeravi. In universum tantum leviora fuisse traduntur. Dosis parva Jodii in hoc praeparato efficaciam exhibere poterat, effectus irritans spiritus vini proprius deerat et Jodium solutione aquosa partim cum hydrogenio compositionem iniit. Porro e supra prolatis elucet, quo magis Jodium purum ad solutionem Kal. jod. aquosam additum fuerit, eo frequentius symptomata injuncta orta esse; quem in finem confer, quae *Lugol* et *Mojssoric* docent. Varia mala, quae post Kal. jod. usum observata esse traduntur, quam maxime sejuncta de effectibus post usum aliorum praeparatorum animadversis, colligere atque comparare in capite subsequenti conatus sum.

### Caput III.

#### *Symptomata noxia usum Kalii jodati secuta.*

Tempore recentiore Kal. jod. praeparatum est usitatisimum et fere solum quod interne adhibeatur. *Wallace*<sup>23)</sup> quum in urina et variis secretionibus, Tinctura vel Kal. jod. cum Jodio porrectis, numquam Jodium merum invenisset, experimentisque in animalibus institutis Jodium purum varias

20) *Schmidt's Jahrbücher* Band 8. pag. 34.

21) *Behrend's Syphilidologie*. 5. Theil. Leipzig 1844. p. 599.

22) *Schmidt's Jahrbücher* Band 12.

23) *Behrend's Syphilidologie* I. Theil. Leipzig 1839. p. 103<sup>g</sup>

compositiones cum hydrogenis et substantiis alcalinis inire observasset et easdem compositiones Jodii in secretionibus reperisset, persuasum habuit, Kalium vel Natrium jodatum praeparatum aptissimum et ceteris omnibus usu interno praeferendum esse. Quamvis perscrutationibus tempore recentissimo factis in dubium vocatum sit, num Kal. jod. sanguinem, secretiones et excretiones immutatum permeat, et ex organismo evahatur, neene, tamen sententia illa multum perfectum est in Jodio adhibendo, et experientia jam diu Kal. jod. primum locum attribuit. Efficaciam hujus praeparati in variis Syphilidis formis *Wallace* animadvertebat faustissimam, tantum in paucis casibus irritationem membranae mucosae narum, doloris colli, in feminis gracilibus interdum dolorem capitis, agrypniam, interdum indigestionem effecta esse affirmans. *Ebers*<sup>24)</sup> Wratislavensis candem rationem Syphilidis curandae amplexus, Kal. jod. laudibus majoribus etiam effert; nam exceptis doloribus colicis et alvi evacuationibus cerebrioribus, quae interdum invasisse dicit, ne minimos quidem affectus injucundos ortos esse, nec umquam irritationem dolorosam colli, dolorem capitis, agrypniam, coryzam, quae symptomata interdum *Wallace* observasset. *Ebers* contra appetitum increscere, animum hilarem fieri, somnum quietum exsistere, colorem cutis cachecticum evanescere, corpus in universum convalescere et augescere, effectus esse perspicuos contendit. Paulo post *Dietrich*<sup>25)</sup> et *Gusmann* observationes de Kal. jod. usu institutas pu-

blici juris fecere multis exemplis vim secundam medicaminis confirmando. *Gusmann*<sup>26)</sup> non solum in Syphilide, sed etiam in multis aliis morbis Kal. jod. virtutes comprobavit, et ne minima quidem incommoda integritatis vidit. Usus Kal. jod. jam brevi tempore vulgatus factus est et in dies morbi plurimi eo sanati perhibentur ita, ut nunc vix ullam morbi speciem invenias, in quam Kal.-jod. effectum mirum exhibuisse non affirmatum sit et Kal. jod. nostrae aetatis medici in deliciis habeant. Quum igitur remedium contra morbos admodum varios et conditionibus externis et internis tam contrariis in usum vocatum esset, fieri non potuit, quin affectus etiam varios malos et injucundos animadverteret occasio se praebaret, quos eo libentius effectui Kal. jod. medici adscripturi essent, quod cetera Jodii praeparata praesertim Tincturam memoria non optima retinerent. Sie *Weinke*<sup>27)</sup> tradit, Kal. jod. et dosibus parvis adhibitis symptomata Influenzae vulgaris procreare; *Roederer*<sup>28)</sup> colorem cachecticum cutis, maciem faciei, defluvium capillorum effectui medicaminis attribuit. *Stewart*<sup>29)</sup> in 6 casibus salivationem, *Judd*<sup>30)</sup> Pleuritidem, paralysim ortam esse referunt; *Taddei de Gravina*<sup>31)</sup> salivationem, spasmum ventriculi, exanthemata, dyspnoeam, vertiginem se animadvertisse contendit. *Ricord*<sup>32)</sup>, qui magnas doses usque

26) *Behrend's Syphilidologie*. 5. Theil. Leipzig 1844. p. 605.

27) *Schmidt's Jahrbücher* 37. Band, pag. 6.

28) *ibidem* pag. 8.

29) *Behrend's Syphilidologie* I. Theil. pag. 552.

30) *Kleinerl's Repertorium*. Neue Folge. 1. Jahrgang. Octob. pag. 152.

31) *Schmidt's Jahrbücher* 42. Band, pag. 188.

32) *Pathologie und Therapie der venenischen Krankheiten*. Nach *Ricord's* Vorträgen, bearbeitet von *Lippert*. Hamburg 1846. p. 140.

24) *ibidem* pag. 305.

25) *Gräfe und Walther's Journal*. Band 29. p. 362.

ad centum grana in die porriger solebat, longam seriem symptomatum enarrat, quae partim de peculiari intoxicatione jodica dedit. Quae intoxicatio auctore *Ricord*, infirmitate motus arbitrarii, spasmis muscularum, sensu gravitatis capitis, mente ipsa perturbata se manifestavit. Sed omnia haec symptomata levi gradu tantum invasisse adjicit. Praeterea non raro Acnem, Ectyma et alias formas pustularum Kal. jod. exhibito, erupisse commemorat. Paucis ut referam, quo prosperiores observationes primo tempore traduntur, eo magis contrarios postea eventus auctores docent, qui quamquam vim salutarem omnino non negantes, tamen praemonent de effectibus Kal. jod. noxiis.

Usu Kal. jod. provocata et partim nomine Jodismi enumerata a variis scriptoribus allata haec invenimus symptomata:

Et post Kal. jod. usum creberrima et excellentissima incommoda perturbatis tractus intestinalis functionibus orientantur, ut molesti et dolores moventes sensus circa fundum ventriculi, alvi evacuationes crebriores, diarrhoea biliosa, colica, vomitus, ardoris sensus in faucibus perceptus, siccitas palati, salivatio, sitis atque appetitus aucta. Interdum inflammatio conjunctivae balbi, profusa lacrimarum secretio, saepius coryza, tussis, sensus constrictionis gulae, dyspnoea exstitere. Tum symptomata varia nervosa apparebant, ut sensus gravitatis capitis, obtusio, vertigo, agrypnia, infirmitas motionis corporis arbitrariae, spasmi muscularum, sensus frigoris in extremitatibus inferioribus, visus hebetatus, denique mens turbata. Saepe secretio urinae, interdum sudoris aucta apparuit; non raro Urticariam, pustulas Acnes vel Ectymatis formam ostendentes erupisse tradunt.

Ad omnia haec phaenomena febris universae symptomata accedere solebant. Denique atrophiae mammarum et testium mentio facta est.

Omnis fere observatores inter se consentiunt usu Kal. jod. vires et bonam corporis valetudinem, animi hilaritatem augescere et totum organismum convalescere. Unica est opinio *Roedereri* qui maciem faciei, defluvium capillorum, colorem cachecticum cutis, inertem aspectum non morbo, quo aegrotus laboravit, sed Kal. jod. attribuenda esse contendit, quam sententiam nullis tamen argumentis, ne casibus quidem relatis, affirms. Quod *Gusmann* refert, faciem colorem fuscum vitilagini similem induere, cum commemo ratione paulo post facta, aegrotos semper colaratores factos esse, minime concordet.

40 casus<sup>33)</sup>), quos collegi fere omnia supra allata in commoda alii alia singillatim enarrant; sex ex iis historias aegrotorum Struma laborantium tractant et eadem symptomata nervosa, quae post cetera Jodii praeparata, Struma subito evanescente, observata sunt, enumerant. Haec igitur series affectuum malorum, dolore capitis, pulsu maxime accelerato, spasmi muscularum faciei et extremitatum, animi defectu, anxietate magna, vertigine, agrypnia se manifestantium, ab aliis separanda nec ullo modo Kal. jod. attribuenda est. Etsi *Harless* se Strumam subito imminutam esse sine

33) *Graefe und Walther's Journal* 29. Band p. 362, 363, 364, 367, 375, 383. — *Schmidt's Jahrbücher* 14. Band; — 30. Band p. 287 et 330; — 37. Band p. 6 et 30; — 42. Band p. 23; — 43. Band p. 165. — *Archiv für physiologische Heilkunde*, herausgegeben von *Griesinger* 1848. — *Casper's Wochenschrift* 1842. — *Neue Sammlung ausgesuchter Abhandlungen* 7. Band. — *Rheinische Jahrb.* 5. Band p. 146. — *Behrend's Syphilidologie I. Theil* p. 113. — *Gazette medicale* 1847, pag. 905.

ullis reactionibus organismi ingratis observavisse memoriae prodidit, *Coindet*<sup>34)</sup>, *Mathey*<sup>35)</sup> tamen diserte dicunt, ea Struma evanescente orta esse, eademque phaenomena *Haller*<sup>36)</sup> in aegrotis Struma laborantibus animadvertisit post usum aquae mineralis Halensis (ad Oenum). *Christison*<sup>37)</sup> aequo modo effectus peculiares Jodii in aegrotis, qui Struma affecti erant commemorat, quos etiam *Roeser* compluribus historiis confirmavit et omnes a me collecti casus variorum affectuum idem docent.

E ceteris 33 historiis morborum 25 peculiares effectus Kal. jod. in Syphilide tractanda et 8 in tractandis aliis morbis referunt.

Ex 40 casibus illis .

irritationem ventriculi, faucium exstisso referunt	5
salivationem . . . . .	4
coryzam . . . . .	4
tussim . . . . .	5
inflammationem oculorum . . . . .	6
dolorem capitis . . . . .	16
varia symptomata nervosa . . . . .	10
exanthemata . . . . .	5
metrorragiam . . . . .	1
atrophiam mammarum . . . . .	1

Quod imprimis ad irritationem tractus intestinalis pertinet, hi Jodii effectus curiosissima digni sunt animadversione,

quum varias alias perturbationes organismi functionum procreare possint. Parvis dosibus porrectis et ab initio Kal. jod. usus irritatio illa, appetentia ciborum aucta, se manifestat, remedium autem continuato per longius temporis spatium vel majoribus dosibus adhibitis, gradatim sensus molestiae et ardoris in regione ventriculi, colica, diarrhoea, interdum obstructio alvi et vomitus intrant. Varias conditiones praesentes symptomatum invasionem vel adjuvare vel impedire posse, jam inde elucet, quod saepe post doses maximas nulli effectus ingrati observati sunt; ita *Buchanan*<sup>38)</sup> dicit, se unciam dimidiam Kal. jod. una dosi, et 12 horis circumactis eandem dosin repetisse sine ulla incommodis, si modo magnam aquae copiam, medicina sumpta, aegrotus bibisset. Si quidem observationes tales suspicionem commovent, remedium corruptum fuisse, tamen sine dubio substantiarum quantitas et qualitas, quae ventriculo insunt, vim irritandi Kal. jod. maxime mutare possunt. *Ricord* usque ad 100 gr. in die dosi aucta interdum modo affectiones tractus intestinalis intravisse confirmat. Quantum adhuc irritabilitas aegroti, vel jam status morbosus organorum concoctioni ciborum inservientium valeant, experientias docet quotidiana. Aegrotus strulosus et gastritide chronica laborans, Kal. jod. in usum vocato, lingua sicca et rubra facta, gastralgie, siti aucta, pulsu accelerato, macie universa, formicatione et tremore extremitatum affectus esse a *Roeser*<sup>39)</sup> traditur. Jam uno grano Kal. jod. adhibito in aegroto, qui stenosi et callositate intestinalorum affectus

34) *Graefe und Walther's Journal* Band 2, pag. 632.

35) *Rheinische Jahrbücher* 5. Band. 1822, pag. 107.

36) *Schmidt's Jahrbücher* Band 21, pag. 12.

37) *Abhandlung über die Gifte.* Weimar 1831.

38) *Schmidt's Jahrbücher* 14. Band, pag. 152.

39) I. e.

dicitur, symptomata gravissima exorta esse **Horst**<sup>40)</sup> nobis refert: siccitatem oris, dyspnoeam, tussim, constrictionem gulæ, congestionem ad caput, vertiginem, tremorem, vacillationem extremitatum inferiorum, anxietatem exstisit, quae intra horam evanuerint, cochleario autem secundo sumpto, rursus invaserint. Symptomata allata **Horst** nomine crapulae jodicae significat.

In dubitationem vocandum est, num re vera inflammatio oculorum et coryza Kal. jod. puro procreari possint, 4 causas coryzae mentionem faciunt, sed certe nulla auctoritate gaudent. Tres eorum a **Dietrich**<sup>41)</sup> enarrati sunt, in quibus aegroti quarto quoque die coryza simul atque inflammatione oculorum afficiebantur, quod tamen non mirum habemus, quia **Dietrichum** proinde commendantem audimus, ne Jodismus intret, optimum esse, aegrotos nonnullas horas quoque anni tempore quotidie in aperto ambulare. **Dietrich** per 3 hebdomades Kal. jod. sumpto in se ipso corzyam vehementem animadvertis. Casum quartum **Weinke**<sup>42)</sup> enarrat; aegrotum gonorrhœa laborantem jam primo cochleario sumpto gravissime affectum esse, sternutationes crebras, secretionem copiosam aquosamque narium, inflammationem oculorum, dolores aurium, febrem catarrhalēm vehementem, dolorem capititis, inquietem furori similem, linguam tectam, sitim magnam exorta esse. Num fortasse refrigeratio antecesserit, qualem diaetam aegrotus observaverit, nihil relatum invenimus; ut omnino certus vivendi

modus ac lex aegrotorum tantum rarissime ab auctoribus commemoratur. Inflammatio oculorum in 4 casibus coryzae accessit et catarrhalis fuisse videtur. In casu quinto femina inflammatione oculorum periodica laborans, Kal. jod. adhibito, rursus tempore certo inflammatione oculorum, tantum graviore prioribus, affecta est. Sextum denique casum **Rodet**<sup>43)</sup> affert de aegroto, qui quum Mercurio quater frusta tractatus esset, usu Kal. jod. tandem sanatus sit, tum autem de magna infirmitate extremitatum inferiorum, formicatione, sensu frigoris questus fuerit, conjunctiva balbi etiam rubra apparente. Qui rubor num inflammatione, an hyperaemia passiva, an aliis causis procreatus fuerit, non traditur. Cognitum habemus, in aegrotis fessis confestisque refrigerationem corporis vel minimam, perflatum venti quamvis lenissimum jam mala gravia procreare posse; quomodo **Ricord** observavit, eos aegrotos, qui in valetudinario ostio proprius jacuissent, saepius salivatione mercuriali affectos esse, quam ceteros. Quum lacrimis mucoque narium Kal. jod. etiam ex organismo secernatur, affectiones supra dictae faciliter causis aliis nocentibus exoriri possunt, quam in statu normali.

Jam multi auctores salivationem Kal. jod. usu procreari omnino negant; **Ricord**, **Ebers**, **Gusmann**, **Dietrich**, **Pommer-Esche**, **Hacker**, **Weinke** affectus injucundos diligentissime enumerantes salivationis tamen ne paucis quidem mentionem faciunt. **Wallace** in praxi sua amplissima bis tantum salivationem observavit, semel in infante quadrimo et iterum

40) *Schmidt's Jahrb.* 42. Band. 1. Heft, pag. 23.

41) *Gräfe und Walther's Journal.* 29. Band, pag. 362.

42) *Schmidt's Jahrb.* 37. Band, pag. 6.

43) *Gazette medicale* 1847, pag. 905.

in adulto, ita ut medicaminis usum omittere cogeretur; sed neque commemorat, num in his casibus Mercurius antea porrectus sit, necne, neque num symptomata eadem fuerint ut in salivatione mercuriali. E 40 casibus accuratius descriptis quatuor a *Schmidt*<sup>44)</sup>, *Neuber*<sup>45)</sup>, *Rodet*<sup>46)</sup> de salivatione plus minusve vehementi prolati ad aegrotos syphiliticos pertinent, qui paulo antea Hydrargyro usi erant. In uno tantum casu a *Neuber* relato de aegroto Laryngophthisi syphilitica affecto diserte non dictum est, Hydrargyrum antea adhibitum esse; sed mox adjicit, salivationem levem fuisse et usu Kal. jod. continuato evanuisse, quod tamen fieri non potuit, si Kal. jod. causa nocens salivationis fuisset. Quamdiu Hydrargyrum in corpore permanere et vim suam exhibere possit nos, ceteris neglectis, *Wallace* docet historia aegroti, qui salivatione et ulceribus oris fauciisque affectus, quamquam, excepto Empl. mercurial. per breve temporis spatiū adhibito, totum annum Mercurium non sumserit. Quod ad hanc observationem attinet *Wallace*<sup>47)</sup> porro dicit: „Es ist bemerkenswerth, dass dieses Symptom bisweilen die recht üblichen Formen von Syphilis begleitet. War diese Salivation das Resultat der Ulzeration des Mundes oder Rachens? Allenfalls lässt sich von ihnen die Salivation herleiten, allein ich habe die Salivation in Fällen von Syphilis gesehen, wo weder Mercur gebraucht worden, noch Ulzerationen im Munde und Rachen vorhanden waren.“

44) *Schmidt's Jahrbücher* 30. Band, pag. 330.

45) ibidem Band 37, pag. 30.

46) *Gazette medicale* 1847, pag. 922.

47) *Behrends Syphilidologie*. II. Theil, Leipzig 1840, pag. 234.

Itaque cavendum est, ne salivationem perraro observatam temere Kal. jod. attribuamus.

E contrario *Aesmus*, *Taddei De Gravina*, *Begasse*, *Thomson*, *Stewart*, *Payan*, alii, salivationem a Kal. jod. usu profectam esse affirmant, inter quos *Payan* adeo dicit, eam multo graviorem salivatione mercuriali fuisse; attamen in omnibus his casibus vel Mercurius antea porrectus erat, vel ut in casu a *Payan*<sup>48)</sup> enarrato diserte dictum est, irritationem oris jam antea adfuisse. Praeterea cum salivatione stricte sic dicta membranae mucosae oris et sensu salivae secretio aucta non confundenda est, quae locali irritationē, Kal. jod. saepius sumpto, gigni solet, praesertim si preparatum non merum adhibitum est. Inter alios *Dorvault*<sup>49)</sup>, ut salivationem post Kal. jod. usum irritationē locali provocatam habeamus, nos admonet et quomodo praecipue a salivatione mercuriali distinguenda sit, perscrutatur.

Symptoma insignia sine dubio exanthemata sunt, quae Kal. jod. procreari dicuntur. Inter 40 casus affectuum malorum quinques eruptio exanthematum enarratur. Hic scilicet de iis exanthematis tantum locuturus sum, quae remedio interne adhibito, aut usū externo in locis remotioribus eruperunt, et ea de causa effectui Kal. jod. secundario attribuuntur. Ter in aegrotis syphiliticis animadversa sunt; praeterea experimento in se ipso instituto *Dietrich* exanthemata orta esse contendit; casum quintum *Amelung*<sup>50)</sup>

48) *Gazette medicale* 1847.

49) *Jodognosie ou monographie chimique pharmaceutique et medicale des Jodiques par Dorvault*.

50) *Schmidt's Jahrb.* Band 43, pag. 165.

refert: infantem Hydrocephalo acuto aegrum eruptione Purpurae cristalinae colli et sudoris profusi repente sanum facit esse, tum in fronte, capite, cervicibus furunculos extitisse, qui postea suppurarint. Infans ille puer erat valde scrophulosus et suppressio exanthematum causam fortasse Hydrocephali praebuit. Ceteroquin ante remedia derivantia plurima Ol. Terebinth., Junip., Empl. vesicat., alia cuti applicata fuerant, quae in cute irritabili infantis trimuli sola jam exanthemata procreare possunt. Hic casus igitur quod ad effectum Kal. jod. attinet, maxime dubius est. **Wallace, Ebers, Gusmann, Roeser**, multi alii numquam exanthemata post usum hujus remedii viderunt. **Ricord** autem pustulas, Acnes vel Echymatis formam praebentes, **Taddei De Gravina** Miliariam, Kal. jod. ad Syphilidem curandam in usum vocato, erupisse contendunt. Jam e variis formis eruptionum concludere nobis licet, eas causa varia extitisse. Kal. jod. re vera exanthemata procreare, eo minus probabile videtur, quod perpaucis casibus exceptis semper in aegrotis syphiliticis observata sunt. Quum Jodii praepara-ta nondum ad Syphilidem curandam adhibebantur, eo tempore exanthemata inter symptomata noxia nominata non invenimus. **Mojsisovic, Lawrie, Taddei De Gravina, Ricord**, qui de vi Jodii in Syphilide disserunt, primi eruptionum variarum cutis mentionem faciunt. Si adhuc magnum casuum numerum, in quibus et in syphiliticis nulla animadversa sint exanthemata, spectamus, quaerendum jure est, quid Kal. jod., quid Syphilis in paucis iis casibus ad eruptiones provocandas valuerit?

Tussis et ceterae pectoris gravitates semper cum aliis incommodis integritatis conjunctae traduntur, aut ad co-

ryzam, inflammationem oculorum, aut plus minusve gravi affectioni ventriculi accedebant. Ex historiis morborum, in quibus commemoratae sunt, elucere videtur, eas vel mere catarrhales fuisse vel praeparato correpto et decomposito, vel denique irritatione ventriculi procreat. Immo vero applicatione externa interdum symptomata illa exoriri posse **Rampold**<sup>51)</sup> contendit, referens: „Ein junges kräftiges 20jähriges Mädchen bekam auf jede abendliche Waschung des Kropfes mit Jodkaliumlösung einen heftigen bronchischen Husten, Niesen, Schmerz und Kratzen im Halse; mit dem Aufhören der Waschungenhörten auch die Zufälle auf.“ Solutione drachmae unac capiti applicata corpus jam saturari, porro dicit et remedium intermittendum esse. Kal. jod. in 2—3—4 aquae partibus soluto **Rampold** in hoc casu usus est, nec eo ad infriendum sed tantum simpliciter illinendum. Sine dubio Strumae nonnulla symptomatum prolatorum attribuenda sunt. Quomodo autem saturatio corporis existere potuerit, intelligi nequit.

De omnibus malis dolor, capitis, vel obtusio, longe frequentissime commemoratur, quippe qui ad multas variasque affectiones morbosas consensu accedere solet, ut ad catarrhum, statum gastricum, etc. Praeipue autem ex irritatione membranae mucosae narium et nerviolfactorii proficienscitur, itaque balneis Lugolianis fere constanter efficitur. **Weinke** animadvertisit, Kal. jod. vim exhibere specificam ad membranam mucosam narium et bronchiorum.

51) Medicinische Zeitung Russlands. Redigirt von Dr. Hetne, etc. 5. Jahrgang 1848.

*Pommer-Esche*<sup>52)</sup> de 4 aegrotis loquitur, qui coryza et dolore capitis tam vehementi affecti sint, ut remedii usum continuare non posset. Omnes 4 aegrotos arthriticos fuisse, ait, qui ingentem et Jodium olen tem sudorem effunderent. Sine dubio aer vaporibus Jodii, hoc modo impletus multum adjuvit ad dolorem provocandum, ejusque sola fortasse erat causa.

Posthac de nonnullis symptomatis nervosis, exceptis iis, quae post Strumam subito evanescentem observata sint, diligentius disseram, necesse est. Ex 40 collectis casibus unus a *Wallace*<sup>53)</sup>, novem a *Rodet*<sup>54)</sup> affectibus nervosis excellentes narrantur. Aegrotum quendam *Wallace* memorat periostitide syphilitica affectum, in quo postquam perdiu et irregulariter Kal. jod., nullam rationem vivendi aptam observans, usus sit et paulo antea per breve tempus plurimas lagenas solutionis medicaminis consumserit, concoctionis ciborum perturbationes graves, febrem, maciem paulatim, dolorem capitis, tremorem, oscillationem pupillae dilatatae, denique paralysin unius lateris invasisse. *Wallace* nentiquam certe Kal. jod. symptomata illa tribuit. Si cetera historiae morbi momenta spectamus, apoplexia causa fuisse videtur. Casus reliqui omnes ad aegrotos formis Syphilidis pessimis laborantes pertinent. Antea variis praeparatis Hydrargyri frusta in usum vocatis, denique Kal. jod. per nonnullos menses adhibitum est, quo sanati tamen de aliis integritatis affectionibus queri inceperunt.

Nunc lauguore maximo virium, obtusione, dolore capitis, incerto motu, formicatione, tremore extremitatum inferiorum, in duobus casibus, congestione ad cerebrum et mente perturbata, interdum visus imbecillitate aegrotos affectos esse, *Rodet* enarrat. Nemo ignorat, omni per longius tempus perdurante curatione, praesertim Hydrargyri usu, tam debile organismum fieri et statum anaemicum tam magnum existere, ut perturbationes gravissimae omnium corporis functionum provocentur et symptomata eadem exoriri, sive ad ultimum Hydrargyrum, sive Kal. jod., sive decoctum quodlibet plantarum in usum vocatum sit. *Rodet* postea adnotavit, symptomata nervosa maxima parte de Hydrargyro antea porrecto dependere, sed differre a symptomatis nervosis kal. jod. solo provocatis. Quam opinionem causus ab eo allati minime confirmant, quum in omnibus vel brevi vel longiore tempore ante Mercurius adhibitus sit.

De atrophia mammarum tantum perpauci casus memorati sunt. Unum a *Nesse-Hill* anno 1826 observatum *Perreira*<sup>55)</sup> citat, ex tempore igitur, quo Kal. jod. merum fere numquam in usum vocabatur et praeparatu difficillimum erat. A *Drumond*<sup>56)</sup> narratur, contra tumorem mammarum, magnitudine ovi gallinacei non dolentem Ung Kal. jod. applicatum esse. Ab initio curae tumorem intactum permansisse, mammam tamen paulo post evanescere incepisse et 6 mensibus elapsis mammam laxam et pendulam ut sacrum membranaceum inanem factam esse; aegrotam etiam

52) *Casper's Wochenschrift*. Jahrgang 1843.

53) I. c. I. Theil, pag. 113.

54) *Gazette medicale* 1847.

55) *Handbuch der Heilmittellehre*. Nach dem Standpunkt der deutschen Medicin, bearbeitet von *Rudolph Buchheim*. I. Band. Leipzig 1846, pag. 468.

56) *Schmidt's Jahrb.* 30. Band, pag. 287.

cörpore toto ita affectam esse, ut Amenorrhœa extiterit; postea tamen convaluisse et infantem sanum pèperisse. Num tumor etiam evanisset necne, mentionem non fecit. Et **Dorvault** opinionem **Cullerieri** de atrophia mammarum et testium oppugnavit, ostendens aegrotos omnes fuisse constitutione lymphatica, quorum glandulae totius corporis plus minusve exsudato impletæ, tumefactæ, Kal. jod. adhibito, immunitac essent. **Dilfis**<sup>57)</sup> mammarum magnitudinem ingentem, quam verisimile sit Syphilide effectam, applicato Ung. Kal. jod. minui vidit.

Observationem atrophiae testium ex usu Kal. jod. profectae, certam enarratam non reperi. E contrario sere omnes observatores disertis verbis confirmant, testes numquam mutatos esse, et **Parker**<sup>58)</sup> 4 casus commemorat, in quorum primo per decem, in secundo per quatuor, in tertio per tres, in quartó sere per 13 annos Kal. jod. circa 20 gr. indies porrectum sunt sine ulla mutatione testium.

Etsi multi alii praeterea effectus Kal. jod. attribuuntur, etsi Kal. jod. haemorrhagiae organorum variorum, erysipelas, cæcitatis et cet. causal fuisse dicitur, tamen in his casibus causæ aliae nocivæ tam evidentes sunt, ut commémoratio eorum supervacanea esse videatur. Ex iis, quæ supra diximus, jam elucet, quo minimo jure affectus malos saepius observatos, ut coryzam, tussim, dolorem capitis, etc.

57) Die spezielle Therapie von **Richter**, 10. Band, oder 1. Supplementband, pag. 220.

58) **Schmidt's Jahrb.** 1832, pag. 289.

Kal. jod. attribuere possumus, et nexus hic causalis omnino evanescit, si magnum casum numerum respexerimus, in quibus ne minima quidem incommoda sanitatis animadversa sint. Rationem, videlicet, veram eruere non possumus, quum primum plerique auctores minorum certum illorum casum, in quibus nulla incommoda orta sint, non admoneant, tantum affectus noxios raro vel rarissime intrasse dicentes; tum praecipue tempore recentiore, quo kal. jod. ut remedium optimum in thesaurum materiae medicae receptum est, observationes prospero tantum sucessu factæ rarius in medium proferantur, controversia enim de hac re non disceptanda est. Contra casus, in quibus symptomata peculiaria existere, memoriae saepius profunduntur, quoniam praesertim auctores alii alios effectus medicaminis negare soleant. Si omnes casus diserte commemoratos, in quibus effectus peculiares et eos, in quibus nulla incommoda animadversa sint, colligerimus, ratio sequitur, quae propius ad veritatem accedat. Contra 40 casus affectuum noxiорum 363 casus incommodis carentes allati sunt. In 119 eorum disertis verbis, nellae integratatis mutationes ortae esse dicuntur, in reliquis 244 mentio symptomatum malorum non reperitur.

## Caput IV.

### **Symptomata mala post usum Jodit et Kalii jodati observata inter se conferuntur.**

Kal. jod. tempore recentiore jure omnia cetera Jodii praeparata ex usu interno omnino pepulit et Jodium purum nunc fere sine exceptione tantum externe adhibetur. *Coidet* primus persuasum sibi habuit, Kal. jod. cum Jodio adhibito, non tam malos effectus procreari, quam Tincturam Jodii; *Asmus* post Tincturam symptomata quae vocantur jodica saepius animadverti, quam post cetera praeparata, contendit, et verbi causa usu Kal. jod. catarrhos non mutatos esse, Tinctura adhibita autem febrem, dolorem pectoris orta esse observavit. Quocum *James Reid*, *Hancke* consentiantur. *Wallace* dicit: „Nach dem, was ich von der Wirkung der Jodine als Tinktur und beigemischt der Auflösung von Jodkalium gesehen habe, kann ich nicht zweifeln, dass sie allerdings im Stande sei, durch ihre eigenthümliche reizende Thätigkeit die übelsten Ereignisse im Organismus herbeizuführen. Solche Ereignisse habe ich bei der Anwendung des Jodkaliums nicht gesehen.“ *Ebers* commenmorat: „Ich fand Gelegenheit genug das Jod äusserlich und innerlich anzuwenden; allein der tiefere Eingriff in den nutritiven Lebensprozess und die Verminderung der Lebenskraft, welche das Mittel so oft, wenn nicht allgemein zur Folge hat, nöthigte mich nach vielen traurigen Erfahrungen, ganz von dessen Gebrauch abzustehen.“ Postea autem de Kal. jod. haec verba facit: „Dieses hat

nicht jene vergiftenden Eigenschaften der reinen Jodine und nicht die beschwerden anderer Präparate; es ist mild und anstatt die Digestion zu beleidigen, scheint es sogar dieselbe zu unterstützen; endlich ist seine Einwirkung auf den Organismus eine sichere, schnelle und angenehme.“ Eandem illam sententiam *Gusmann*, *Dietrich*, *Buchanan* proferunt. Item *Dorvault* e perscrutationibus observacionum variarum concludit, Jodismum multo saepius Tincturam, quam Kal. jod. provocatum esse.

Itaque mirandum est, effectus Jodii praeparatorum promiscue tractari et, nisi Tincturae majori irritandi vi, omnino non discerni. In omnibus libris de Jodio conscriptis et antiquiori et recentissimo tempore in lucem editis, sententiam prolatam invenimus: efficaciam Kal. jod. eandem atque Jodii ipsius esse.

Etsi probamus, omnes effectus peculiares, qui Kal. jod. attribuantur, eo re vera procreatios esse, tamen contentione cum affectibus post usum Tincturae facta, differentia sequitur notabilis; tantum Tinctura Jodii scilicet adhibita maciem universam aegrotorum observatam esse. Tantum Tincturae usu perturbata ciborum concoctio, appetitus deficiens, inflammatio cavi oris, faucium usque ad suppurationem crescens, tum per longius temporis spatium adhibita, auctae omnes secretiones excretionesque, color cutis cacheoticus, ardor, sudor frequens, viscidus, intumescens totius corporis orta sunt. Irritatio organorum cum tractu intestinali consensualium, ut organorum urinae secretioni inservientium et organorum genitalium atque irritatio conjunctivae bulbi, membranae mucosae narium et organorum respirandi, semper multo gravior erat, si post Tincturae usum animadversa

est. Atrophia mammarum et testium, quamvis comperta pro re habenda non sit, tamen auctores plures effectuum illorum Tincturam incusat, et plures casus de ea enarratos invenimus, quam de Kal. jod. Nec. Kal. jod. umquam functiones tractus intestinalis tam graviter perturbavit et colica, diarrhoea, vomitus tantum permagnis dosibus, quibus *Wallace*, *Ebers*, *Ricord* utebantur, orta sunt et in iis casibus praecipue intrare solebant; in quibus statas morbosus tractus alimentarii jam aderat, si, ut exemplum afferam, aegroti ad dyspepsiam proclivitatem ostenderunt.

Quam autem ceteros effectus non exceptatos Kal. jod. ad organa respirandi, sistema nervorum, oculos, cutem, glandulas salivales, cetera, omnino negemus necesse sit et eos ab aliis causis accendentibus profectos esse contendere possumus, contentione et comparatione ad exitum multo alium pervenimus. Excepta affectione ventriculi, dosibus permagnis orta, Kal. jod. usu nulla symptomata noxia animadversa sunt; variae mutationes corporis morbosae, ut hyperæmia, hypertrophiae, exsudata paulatim in aliis morbis evanescere videbantur, in aliis nulla mutatio, in aliis aggravatio symptomatum observata est. Sic *Wallace* dicit: „Ich habe dieses Mittel sehr häufig bis zur vollständigen Heilung des Kranken gebraucht, ohne irgend eine andere sichtbare Veränderung als zunehmende Besserung zu bemerken.“ Idem *Ebers*, *Guemann*, *Neumann* contendunt, idem ex illis casibus elucet, qui omni affectu noxio caruisse narrantur. Itaque casus symptomatis ingratis excellentes rarae tantum sunt exceptiones. Kal. jod., *Rodet* censet, tum modo affectus inoptatos procreare, si locus minoris resistantiae corporis, vel contraindicatio aliqua remedii usus adsit; ve-

rumtamen e casibus, quos ad confirmandam hanc sententiam assert, hoc tantum proficiscitur, usū Kal. jod. aut sationem et convalescentiam, aut aggravationem morbi symptomatum intrare possē. Ita *Rodet* ipse alio loco com-memorat, Kal. jod. rārissime et fortasse nunquam affectus malos provocare, si quidem in iis casibus tantum adhibeat-ur, in quibus indicatum sit.

Quoniam Jodium, quacunque forma applicatur, tantum cum Kalio vel Natrio conjunctum in sanguinem transire et vim retuviorem exhibere possit, qua à Kal. jod. omnino non differt, omnia symptomata noxia effectui locali attri-buamus necesse est. Quod tamen imprimis non tam probatum videtur. Sed veniat in mentem virtutum chemicarum et physicarum Jodii, praesertim solutionis spiritu vini paraiae. Gustus acerrimus, plerisque odiosus, odor gravis, efficacia membranam mucosam irritans, proclivitas magna ad decompositionem Tincturae, virtutes praecipue animad-vertendae sunt, quibus quum organa sensoria et respiratoria saepe maxime afficiantur, coryza, dolor capitis, ob-tusio, tussis, dyspnoea, Inflammatio oculorum, lacrimatum secretio aucta nascuntur. *Chevalier*<sup>59)</sup> tradit, homines Jodium praeparantes semper bene se habere, tantummodo Jodium e recipienti sumentes fluxu lacrimarum et irritationem oculorum, occasu si vapores Jodii effluant, adeo tussi, dolore capitis et coryza gravi affici. Practerea commemo-randa est efficacia Bromi, cuius *Glover*<sup>60)</sup> de effectibus similibus Jodii, Bromi et Chlori tractans his verbis mentio-

59) *Schmidt's Jahrbücher* Band 37, pag. 100.

60) *ibidem* Band 42, pag. 6.

nem fecit: „Wird durch eine Röhre Brom in grossen Gaben in den Magen gebracht, so kann man zwei Reihen von Wirkungen hier unterscheiden, erstlich die reizende Wirkung des sich verflüchtigenden Broms auf Rachen und Luftwege, sich als coryza, Niesen, Speichelfluss aussprechend, die corrosive Action auf den Magen, zweitens die Wirkungen des Eintritts in die Circulation.“ „Tincturam Jodii eodem modo vim suam exhibere posse experimentis a Joerg institutis comprobatur. In uno experimendo Joerg<sup>61)</sup> hos animadvertisit effectus: „Dem Verschlucken folgte unmittelbar ein eigenthümliches scharfes Brennen im Schlunde und ein Kratzen im Larynx, nebst einem Reize nach den Nasenhöhlen hinauf, wie wenn man Schwefeldämpfe eingezogen hat.“ Quomodo denique varia symptomata nervosa, antequam Jodium in sanguinem perveniat et effectus remittores exhibeat, oriri possint, balnea Lugoliana mirum in modum ostendunt.

61) Materialien zu einer künftigen Heilmitteltheorie durch Versuche der Arzneien an gesunden Menschen von Dr. J. Ch. G. Joerg. I. Band. Leipzig 1825.

## THESES.

---

- 1) In curatione Strumae cavendum, ne celeriter evanescat.
  - 2) Salivatio usu Kalii jodati non oritur.
  - 3) Processus chemicus, cui nomen catalytici datum est, in sanguine organismi humani gigni nequit.
  - 4) Phthises atque Hydropises species peculiares morborum non sunt.
  - 5) Operatio carcinomatis evitanda est.
  - 6) Remedia omnia specifica sunt.
-